

## Transkription von Urkunde HAL 1344a

Ort, Datierung: Halle, 1344-03-17

Signatur: Landeshauptarchiv Sachsen-Anhalt in Magdeburg, Rep. U 4b, Halle, 5 U 4b, Halle Stadt  
Nr. 5 [online]

Inhalt: Rat der Stadt Halle: Schiedsspruch

---

Wie sesvndrittich Ratman(n)e tũ Halle . . Bekenne(n) ope(n)licken / an disseme ieghe(n)w(er)dige(n)  
brüe . . Dat wie Hince(n) vo(n) vrierch / vn(de) H(er)manne sine(n) vedde(re)n vntschieden hebben  
alse hir na bescre/uen stet , Dat sie scollen beide er gut vntphan mit samder hant / dat irste dat sie dat  
mit den herre(n) konne(n) ouerbringe(n) vn(de) swat / dat koste(n) scal , dat scollen sie beide gelden ,  
Ok scal or nichein / den andere(n) hindere(n) an sime gude des hie bedarf tu latene dũrch / siner not  
willen , Wolde auer or ichein dem andere(n) sin gũt vntverne(n) / oder laten dũrch hates willen , des  
scal nicht sin , Wolde , ok / iemant geue(n) eine(n) panne(n) oder twũ , durch vnsen H(er)ren got , des  
/ scal or nichein deme andere(n) weren , Vp ein openbar orku(n)de / disser vorgnante(n)  
vntschiedu(n)ge , dat die von on beiden stede vn(de) / ghantz gehalden werde , So hebbe wie  
vorbescreuene(n) sesvndrittich / Ratmanne vnser stat Ingesege(n) . an dissen brif gehange(n) , Na /  
goddis gebort dũsent iar , drũhu(n)dert iar , in deme viervn(de)virte/gesten iare , in sente Gherdrude  
daghe der hilge(n) Ju(n)cvrũwen .. ,